

金陵全書

金陵全書

甲編·方志類·府志

萬曆應天府志（三）

（明）

程嗣功 修
王一化 纂

南京出版社

圖書在版編目 (CIP) 數據

洪武京城圖志 / (明) 禮部纂修. 萬曆應天府志 /
(明) 程嗣功修; (明) 王一化纂. — 南京: 南京出版
社, 2011.3

(金陵全書)

ISBN 978-7-80718-709-7

I. ①洪… ②萬… II. ①禮… ②程… ③王… III.
①南京市—地方志—明代 IV. ①K295.31

中國版本圖書館CIP數據核字 (2011) 第019602號

書 名 【金陵全書】 (甲編·方志類·府志)

洪武京城圖志·萬曆應天府志

編 著 者 (明) 禮部 纂修; (明) 程嗣功 修 (明) 王一化 纂

出版發行 南京出版社

社址: 南京市成賢街43號3號樓 郵編: 210018

網址: <http://www.njpbs.com>

聯系電話: 025-83283871 (營銷) 025-83283883 (編務)

電子信箱: njpbs1988@163.com

責任編輯 鮑咏梅 范 憶 徐碧超

裝幀設計 楊曉崗

製 版 南京新華豐製版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 122.75

版 次 2011年6月第1版

印 次 2011年6月第1次印刷

書 號 ISBN 978-7-80718-709-7

定 價 1800.00 元

應天府志卷二十一

雜志

爰肇區宇東土斯宅炳此前規豐儉之則宅以表
仁墓亦象賢永平造釁卅碧輝煌作雜志

古蹟

冶城本吳王夫差鑄劍之所一云孫吳郎今朝天宮

地

晉元帝大興初王導疾方士戴洋曰君本命在

中而中地有冶金火相鑠不利遂移冶城於石頭

城東以其地爲西園是晉時猶爲冶處

金陵邑城周顯王三十六年楚威王所置孫吳郡其

地築城曰石頭城即今石城門近清凉門處

丹陽

記石頭城吳時土塢後因山加壁爲城因江爲池

地形最爲險固隋置蔣州城唐韓滉五城皆相去

不遠詳見石頭山梁武帝詩麟盤地勢遠參差百

雉壯翠壁絳霄際丹樓青霧上夕月出濠渚朝雲

生疊障何遜詩關城乃形勢地險差非一馬嶺遂

紆開犬牙傍隆宰百雉極襟帶億庾並量山至理

歸無爲善守竟何恤眺聽窮耳目遠近備幽隱擾

揚見行人暉暉視落日連檣入廻浦飛蓋交長街
天暮遠山青潮去遙沙出薄宦慙歸來屬辭慚愈
疾願乘鰲鯨牛還隱蒙籠室劉禹錫詩山圍故國
周遭在潮打空城寂寞回淮水東邊舊時月夜深
還過女牆來

吳都城大帝黃龍元年築在淮水北五里據覆舟山
下東環平岡以爲安西城石頭以爲重後帶玄武
湖以爲險前擁秦淮以爲阻周廻二十里十九步
正門曰宣陽又南五里至淮水爲大航門時都城

皆設籬曰古籬門晉元帝渡江復爲都改爲建康
城仍吳之舊而增築焉凡十二門南曰宣陽開陽
清明陵陽東曰建春東陽西明閶闔北曰廣莫玄
武延熹大夏宋齊梁陳皆因之

臺城一曰苑城本吳後苑城晉成帝咸和中於城內
作新宮名建康宮周八里濠濶五丈深七尺有五
門正南曰大司馬門左曰閶闔門北曰昌平門東
西門曰東掖西掖大司馬門與都城宣陽門對舊
志云新宮即臺城也在上元縣東北五里有牆兩

重晉成帝時蘇峻亂盡焚臺城宮室溫嶠以下咸
議遷都唯王導固爭不許咸和六年使下彬營治
孝武太元三年謝安以宮室朽壞啓作新宮王處
之曰中興即東府誠爲儉陋元明二朝亦不改制
蘇峻之亂成帝止蘭臺不蔽寒暑是以更營修築
殆合奢儉之中今自可隨宜增修強寇未殄不可
大力役安曰宮室不壯後世謂人無能慮之曰
任天下事當保固國家朝政惟允豈以修屋爲能
耶詔曰昔大賊縱暴宮室焚蕩元惡雖殄未暇營

築有司屢陳朝會逼狹遂作新宮子來之歌不日而成新宮內外殿宇大小凡三千五百間

倉城吳積貯之所近古苑城市

白馬城不詳所在吳時舉烽火於此

金陵故事云吳

時沿江烽火臺二所一在石頭左一在白馬城

金城吳時所築今縣東北句容縣之瑯琊鄉即其地

考證吳後主寶鼎二年於金城門外露宿迎神明

陵蔡宗旦金陵賦云遊金陵以愴然問種柳之何

在笑吳主之信巫乃露宿於門外晉大興中王氏

舉兵反將軍劉琨軍於金城初中宗於金城置瑯
琊郡咸康中桓溫爲瑯琊內史出鎮金城後溫北
伐經金城見爲瑯琊時所種柳皆十圍因嘆曰木
猶如此人何以堪攀枝執條泫然流涕金陵志謂
上元縣金陵鄉地名金城戍即其地戚氏辨以爲
金城即前句容之瑯琊城其說是

建鄴城在冶城東晉太康三年分淮水北爲建鄴治
在宣陽門內

西州城即古揚州城漢揚州治曲阿晉永嘉中遷於

建康荆立州城即此太元末會稽王道子領揚州
東府故號此城爲西州城西接冶城東臨運甌今
朝天宮西州橋是考證晉以西州爲丹楊尹治所
謝安鎮新城欲俟經畧粗定自海道東還後雅志
未遂復入西州城慨然自失宋時徐羨之住西州
高祖嘗思之即步出西掖門往見馬殷景仁既拜
揚州羸疾遂篤上勅西州道上不得有車聲孝武
時熒威守南斗乃廢西州舊館使西陽王子尚移
居東府城以厭之

瑯琊城在古江乘縣界晉元帝以瑯琊王過江國人

隨而居之因城焉齊永明元年移瑯琊於白下此

城遂廢

按晉書江乘南岸有瑯琊城立瑯琊內史

以治之齊武帝移於白下大起樓觀講武於此義

南徐州記云江乘南岸蒲洲津有瑯琊城與白下

相近白下即齊武所徙者永明六年講武瑯琊城

指白下瑯琊城也南史齊世祖欲北伐使毛惠秀

畫漢武伐匈奴圖置瑯琊城射堂上每幸必諦觀

焉王融瑯琊講武應詔詩白日映丹羽頽霞文翠

施凌山炫組帶積水被戈船江考嗣詩驅車去連
翻日下情不息芳柳似佳人惆悵予何極薄暮苦
羈愁終朝傷旅食丈夫許人世安得顧心臆按劍
勿復言誰能哢與織謝眺詩春城麗白日阿閣跨
層樓蒼江忽渺渺烟波復悠悠京洛多塵霧淮濟
未安流豈不思撫劍惜哉無輕舟夫君良自勉歲
暮勿淹留徐敬業詩甘泉警烽堠上谷抵樓闌此
江稱豁險茲山復鬱盤表裏窮形勝襟帶盡巖巒
修篁壯下屬危樓峻上并登陴起遐望回首見長

安金溝朝瀟瀟前道入雉鸞鮮卑驚華轂汗馬躍
銀鞍少年負壯氣耿介立衝冠懷紉燕山不思封
函谷九豈如霸上戲羞取路傍觀寄言封侯者數
奇良可歎

懷德城晉大興元年築

舊志云在此初寺前即王謝
宅處者非

臨沂城在獨石山北臨大江今攝山之西白常村蓋
其地距縣治三十八里

東府城晉安帝義熙十年冬城東府在清溪橋南臨

淮水周三十里九十步簡文爲王時舊第後爲會稽王道子宅道子錄尚書事以爲治所時人呼爲東府其子元顯亦錄尚書時謂道子爲東錄元顯爲西錄西府車騎填湊東第門下可設雀羅東第即後東府城也

會稽王傳嬖人趙牙爲道子開東

第築山開池列植竹木工用鉅萬帝嘗幸其宅謂道子曰府內乃有山因得游矚甚善然修飾太過道子無以對帝去道子謂牙曰上若知山是人力所爲爾必死矣牙曰公在牙何敢死其滅東北角

有土山即牙所築也宋武帝領揚州日築東府城以居彭城王義康文帝元嘉中義康更開拓北墉浚西塹自後常爲宰相府第景和中嘗改爲未央宮明帝時建安王休仁鎮東府訛言東城出天子帝懼殺休仁而常閉東府不居桂陽王休範反車騎典籤茅恬開東府納賊齊高帝封齊王以東府爲齊宮梁太清三年侯景舉兵毀板墻以甃甃爲之紹泰末盡罹焚毀陳天嘉中徙治府城東三里臨淮水陳亡遂廢

湖熟城古縣名漢屬丹陽郡今在丹陽鄉去縣五十

里淮水北

宋元嘉中遷越城流人於此

東宮城本吳永安宮在臺城東門外宋元嘉十五年
修永安宮爲東宮城四周土牆塹兩重南東西開

三門

檀城本謝玄別墅謂之城子墅亦曰墅城至宋屬檀
道濟故名檀城在今縣東清風鄉黃城橋之西

白下城本江乘之白石壘齊武帝以其地帶江負山
移瑯琊居之唐武德九年罷金陵縣築城於此因